

『續日本後紀』6 承和四年六月己未条

己未。勅云々。宜遣使山城大和等。奉幣名山。以祈甘雨。」又勅令五畿内七道諸国奉幣名神。豫暴風雨。莫損年穀。正三位行中納言兼左近衛大將源朝臣常上表請解左大將職曰云々。」右京人左京亮從五位上吉田宿祢書主。越中介從五位下同姓高世等。賜姓興世朝臣。始祖塙乘津。大倭人也。後順國令。住居三己汝地。其地遂隸百濟。塙乘津八世孫。達率吉大尚。其弟少尚等。有懷土心。相尋來朝。世傳醫術。兼通文藝。子孫家奈良京田村里。仍元賜姓吉田連。」備後國飢。賑給之。